



Conradus ex honesta familia natus, & in omni genere uirtutum educatus est. Is cum adoleuisset, armorum studia respexit, & principum ac regum castra sequendo rei militaris magnam sibi peritiam comparauit. Id cum Philippus Landgrauus Habsiae cognouisset, eum plurimum dilexit, & inter suos consiliarios admisit. Interea Philippo bellum cum Henrico Brunswicēse exortum. In eo Conradi opera usus, rem ex animi sententia confecit, & principem Henricum in captiuitatem redegit. Cum enim Brunswicēsis instructis copijs 1545 appropinquaret, Landgrauus intempesta nocte octo cohortes equitum, & peditum circiter duodecim millia, cum tormentis, ductore Hansteno praemittit, ipse uero cum reliquis copijs subsequitur. Ibi Conradus prope hostem in loco altiori substitit, & praelio decertare incipit. Itaque parua uictoria, & principe Brunswicēse capto, Conradus apud omnes sibi magnum nomen comparauit. Sleid. lib. 16.